



Jumat, 08 Desember 2023

Ogen: Joel 2:31-32



Kalak Si Kupilih Tetap Nggeluh



Inegri Sakura, Jepang, lit sada kebiasaan si igelari *Harakiri*, e me keputusan guna bunuh diri, guna mpertahanken kehormatan ntah pe erga diri. E maka rikutken kesemalen e, i bas masyarakat pe megati nge terbegi berita si e nggo mate bunuh diri erkiteken la lulus ujian negara, nggo ndelis perban terdat koropsi, rsd. Tapi sue ras kinitekenta, pengajaren Tuhan Yesus, meherga kap kula ras dirinta e, e maka kita arus ngergaken kegeluhen. Tapi ntah pengaruh kai, masa-masa genduari enda mbue kal si begi kejadi-kejadi kalak alu sengaja mutusken kesahna jine. Keputusan e biasana erkawiten i bas la ngasup maba baban si mberat, gelap perukuren si ipake iblis guna erbahan si la ngena ate Tuhan. Kalak si la ngergaken kegeluhenna, maka kematenna pe la meherga.

Kitab Joel nuriken kerna uga sangatna perbeben sinderpa bangsa Tuhan i pembuangan, sangana pemerentahen Persi. Tading i bas pembuangan enggo ertahun-tahun, lenga eteh ndigan banci jumpa taneh kemulihen, reh ka labang belang-belang taneh e, erbahanca tambah baban si mberat. Tapi Tuhan tetap ncidahkan perkuah ateNa, em si man arapenken. Tuhan kap si erpadan maka Ia si mpekeke dingan si masu-masu bangsaNa mulihi. Kecibal geluh banci jadi desken matawari si jadi gelap ntah pe gerhana, bulan si mejile banci tempa megara bagi dareh, bage me penggejapen di kune reh si la bagi ukurta. Tapi janji Tuhan man banta, anem bage gia ise si tetap setia erpengarapen, sinamakan pusuhna kempak peraten Dibata, maka ia terkelin.

Marilah si dahi Tuhan. Gia dalan si man bentasenta arah lebe e gelap, Tuhan kap terang i bas pusuhna. Ula mate pengarapenta, simabai ku bas kematen kiniteken. Tetapkenlah ukurta erpengarapen man Tuhan Yesus si erkuasa, kita kap bangsa pilihena, kalak siipilihNa tetap nggeluh. E enggo ipadanken Tuhan man kerina anak-anakNa.